

(8)  
*Schmidt*

# PETRO ANTONIO G E O R G I O

CONGREGATIONIS CLER. REG. DE SOMASCHA

E C E N E T E N S I S E D E

AD METROPOLITANAM UTINENSEM

N U P E R E V E C T O

O R A T I O


J A C O B I S E R A F I N I

E L O Q U E N T I Æ P R O F E S S O R I S I N S E M I N A R I O .



U T I N I , M D C C X C I I I .

APUD HIERONYMUM MURERO. )( *Super. Permissu.*



# GRATULATIO



Em novam, Ornatissimè Viri, & majorum nostrorum memoria inauditam hæc Civitas anno superiore vidit. Nam ex clarissimorum virorum numero & cœtu, qui sacra in his locis administrarunt, quorum formæ cum rerum gestarum monumentis Archiepiscopalem aulam exornant, quis unquam fuit, qui tam sublimi gradu dignitatis atque honoris, ut inferiorem alium assequeretur, semetipsum propria voluntate abdicarit? At enim quem sacrum Pastorem litte-

## ✻ X IV X ✻

rulæ nostræ in adventu posteritati commendarunt,  
 etsi e conspectu nostro sese eripuit, tamen fore pol-  
 liceor certe quidem, ut qua observantia & quo stu-  
 dio apud nos commorantem colendum esse duce-  
 bam, eodem, quoad vita suppetet, sempiterna  
 cum recordatione prosequi non desistam. Etenim  
 ipsum insigni pietate præditum quo animo tum  
 fuisse arbitramur, cum non sine Dei Optimi Ma-  
 ximi consilio res illa sit perfecta, ad quem in  
 re tanta & tam gravi supplex confugiebat, quem  
 diu multumque precabatur, quo tandem divino  
 Numine fretus ad Torcellanam Ecclesiam geren-  
 dam se contulit? Mihi sane ante oculos obver-  
 satur, quod ille a nobis decedens maximopere  
 exoptabat. Exoptabat autem, ut præclarissimo  
 Petro Antonio Georgio potissimum e Cenetensî  
 Ecclesia aditus ad hanc Metropolim pateret: ut  
 virum talem omni laude præstantem, quem com-  
 muni fama, amplissimisque judiciis celebrari vi-  
 debat, Veneti Patres hac tanta dignitate ornan-  
 dum existimarent: ut Senatus Civium nostro-  
 rum populorumque omnium, qui ipsum uno con-  
 sensu & una voce Metropolitanum Antistitem  
 deposcebant, mentem & voluntatem spectaret.  
 Ita profecto. Quamobrem cum ille nobis dies,

Præ-

Præful Amplissime, illuxit, quo te designatum esse sermones ac litteræ pertulerunt, quo quidem tempore exhilarata Civitas id nunci accipit, quod unum maxime expetebat, quinam inventi sunt omnium generum atque ordinum viri, omnis fortunæ ac loci, qui singularem animi jucunditatem gratulationibus habendis non significarint? Qui judicium Senatus de te gravissimum & maximum summis laudibus non extulerint? Qui omnium rerum moderatori Deo gratias immortales non egerint? Verum hæc Civitatis & populi tanta significatio sine ulla varietate universi unde quæso emanavit?

Scio equidem quid contingit, cum petitio sub sit honorum. Fama enim, quæ longe lateque circumvolitat, quinam nominari possint, statim requirit, quo genere vitæ sint & qua natura & quibus moribus ornat, celeriter efflagitat. Si quid autem vitii nacta fuerit, id taciturnitate non occultat: cujus statim non divulgat? Citius dixerim; omnia non modo, quæ reprehendi palam, sed etiam quæ obscure cogitari possunt, audacter commemorat. Nonne integerrimam quoque vitam hominum clarissimorum maculis interdum aspergit quibusdam? Cum vero de Petro Antonio Georgio

## ❀ X VI X ❀

mentionem honorificentissimam fieri audiremus, cur nulla varietas fuit inter homines opinionis, nulla voluntatum, nulla sermonis?

Nunc profecto, cum non jam suspensi & incerti sollicita expectatione pendemus, sed novum Pastorem oculis presentem intuemur, suoque jucundissimo aspectu mirifice recreamur: in hac nobilissimorum & litteratissimorum hominum corona, hoc tam hilari civium conventu, hac circumfusa tot adolescentum Clericorum frequentia, illud est obnitendum mihi, quod pergratum vobis confido futurum, ut ostendam pro mei ingenii exiguitate, e quibus ille fontibus ad tantam, quantam videtis, profluxerit hominum existimationem, ut omnes demum intelligant, cur tantum in animis omnium nostrum desiderium sui excitarit.

Sed antequam ad rem ipsam propius veniat oratio, date mihi, precor, veniam hanc, Auditores Ornatissimi, ut familiaris vetustatem, unde optimus vir ortum habuit, breviter paulo altius repetam. Ex ea enim familia prodivit, quæ quondam in Germanorum Imperio florentissima conditione fortunæ utebatur: in Italiam finibus deinde cum domicilium rerum suarum collocasset, egregiorum Ducum copiam tulit, qui Ticinensem provinciam admini-  
stra-

strarunt: denique ut communium temporum immanem procellam devitaret, quæ christiano nomini impendebat, in tranquillum Adriani maris sinum procul a barbaris disjunctum gentibus profugit. Itaque Majores sui cum cæteris Italix nobilissimis viris, qui eodem recesserant, ut fartam tectam Religionem libertatemque conservarent, Venetæ urbis omnium fortissimæ atque pulcherrimæ fundamenta jecerunt, quam unam liberam semper fuisse, & totius Europæ splendorem, merito gloriamur.

O præclarum genus, optimorum civium ferax; divinitus Reipublicæ datum, ut Venetam gloriam domi & foris quam maxime illustrarent! Ex hoc esse numero Fantinum illum præsertim, ex hoc Paponem, & Petrum, ex hoc Marinum imprimis, qui singulari quadam in laude versantur: quorum prior ille ad bellum maritimum gerendum profectus magnam hostium classem instructam & ornata apud Tenedum summa virtute decessit: alii duo Corcyram Melænam in Venetorum potestatem redegerunt; quod Senatus par clarissimorum ducum singularibus honoribus decoravit, cum propter magna ipsorum merita nemini olim, nisi Georgiorum genti, illius insulæ administratio tribuere-

tur: posterior tandem aureo diademate & Ducali sceptro insignis, cum ædem & templum divo Dominico dicatum e solo suis sumptibus eduxisset, cumque eo potissimum curam & laborem contulisset, ut patria sibi carissima omni virtutum genere splenderet, tanta morum integritate fuit, ut sanctum ipsum, dum in terris degeret, vulgo nominarent. Quid ego Franciscum, & Marcum scriptores ornatissimos locupletissimosque in medium proferam, aut Bartholomæum ex poetis nobilem & clarum, aut Marinum alterum dicendi facultate præstantem, aut denique Benedictum prædicem litteratorum Mæcenatæ amplissimum? Etenim hæc vetera etsi libenter auditis: tamen vereor, ne quis forte vestrum miretur, quorsum hæc oratio tam alte repetita spectarit. Ut nempe contentione facta perspiceretis, an is, quem aliis ereptum nobis superi donarunt, id sua virtute perfecit, ut quanto honore ex veterum suorum dignitate afficeretur, tantundem illis ornamentis ex sua laude reddiderit.

Velim tamen, ut ea me dicendi ratione uti patiamini, quæ tempori magis accommodata videatur. Dicam enim primo loco prope acervatim, quæ sunt integerrimæ famæ, quam est adeptus

ve-



veluti solum quoddam atque fundamentum: deinde vero eam virtutem inspiciemus, quæ me ad se se rapit, qua omnem curam operam & laborem suum condecorandum existimavit.

Ipsum quidem non ad patrium magistratum capescendum spes amplissimorum præmiorum adduxit, non ad classem administrandam, qua Veneti hac nostra etiam ætate plurimum valent, cupiditas gloriæ detulit: sed vitam uni religioni dicatam a fluctibus rerum urbanarum & forensi strepitu remotam, magnificentissimæ Urbis celebritate relicta, a patriis focis secedens maluit sequi. Cujus prima ætas cum in Somascho Collegio disciplinis dedita esset, illisque artibus, quibus alii patricio genere adolescentes instruebantur, inde usque spem firmissimam nunciabat maximarum virtutum, quas nunc in ipso tantopere admiramur. Jam tum erat propter suavissimos atque optimos mores & præstans ingenium illi sodalitati carus maxime atque jucundus: quam cum ipse gravissima sanctissimaque disciplina, & eruditissimorum hominum copia florentem videret, tum ad impensoissimam illam voluntatem, & flagrantissimum religionis amorem exarsit, ut illud vitæ genus incredibili quadam animi sui alacritate

non



non minus, quam illorum gaudio delegerit. Et enim ipsum a toto Collegio expetitur veluti juventutis florem & condiscipulorum decus in illum Ordinem adsciverunt. Atqui hoc percommode accidit, quo paratior ad gravissimum in Ecclesia munus peragendum, promptiorque esset, ad quod extolli divinitus aliquando deberet.

Itaque in eo recessu cum laudatissimum vitæ cursum persequeretur, quem ab initio inivit, quandoquidem omnia consilia atque facta ad Dei gloriam revocabat, sine qua nihil in vita querendum ducebat; cum optimos æmularetur, quorum nemini concessit, plus ut sanctitate morum, plus ut litterarum varietate, plus ut gratiæ inter suos valeret: hæc cum faceret, quæ egregium nescio quid præmonstrare ac præcernere videbantur; tum honores illi in ea familia delati sunt non postulanti, verum etiam non appetenti. Nam communis contubernalium suorum studio contigit, ut Brixiensi in civitate primum, Venetiis deinde eidem sodalitati præficeretur: suæque administrationis splendor hæcenus etiam illi florentissimo Ordini lucet. Nonne postea quoties eam domum hospes adivit, omnes ipsum benevolentia ut parentem amantissimum, officio ut gubernatorem ac præsidem

fidem diligentissimum, lætanti animo ut angelicum hominem exceperunt?

Sed quoniam ad eos honores ut proveheretur, non solum pietatis ac religionis, verum etiam ingenii ac litterarum fuit, quarum accensam cupiditatem non diuturnitas temporis explevit, non compressit labor, non rerum multitudo debilitavit: ut beatissimam ubertatem ingenii cognoscatis, quo eminebat, conferamus ipsum, si lubet, cum majorum gloria, quos antea nominabam, qui aliquo disciplinarum genere inclaruerunt. Nam Petri Antonii alla omnino mens fuit, quæ altius insurgit, optimarumque rerum suppellectili affluentior latius protenditur. Credet quispiam fortasse nimium etiam a me exornari præstantissimum virum. Quem ego tandem exorno? Eum nempe, qui ipse in omni prope litterarum reipublicæ parte admirandum est ornamentum. Qui etsi ad philosophicam facultatem se contulisset, quam adeo graviter splendideque Veronensi in urbe multis abhinc annis profitebatur, ut magnus honos a cuncta civitate & ingenio & elegantia suæ tribueretur: non eo tamen ita mentem apulit, ut a castalio fonte Musarum abhorreret, ac non operis subsecivis ad illarum hortulorum amœnissimum diverteret, præsertim cum magnum numerum

## ✻ X XII X ✻

rum optimorum epigrammatum etrusco sermone elaborarit. Inter quæ illa imprimis quam excellent, & quantum ei nomen pepererunt, quibus Angelæ Mericæ integerrimam vitam & prodigla venuste expressit! An cætera idcirco neglexit, ut non eximiam inde sibi laudem repetendam duxerit? Perinde quasi debeat in eodem ipso divinarum rerum doctrina requiri, quam defendit in doctissimorum hominum corona adolescens; aut debeat sileri incredibilis ardor quidam animi, quo ad veræ & solidæ facundię palmam contendit.

Verum in communi omnium lætitia, Amplissime Præsul, ubi se magis efferri, & triumphare etiam quodammodo hæc oratio debet, cum te non modo hoc munere docendi, in quo me versari vides, summa nominis tui celebritate Venetiis Ducali in Seminario perfunctum esse intellexerim, verum etiam Ingenii tui monumenta legerim, quibus palam factum est, quæ sit tua gravitas in dicendo, quæ facultas, quæ copia, doleo sane atque acerbe fero, me parem verborum, & sententiarum vim afferre non posse. Quanquam, Auditores, non doleo, hominem admiror, & gaudeo, cum locum mihi a fortuna datum, ut summum oratorem omni laude cumulatum quo demum cunque mo-

modo, ad cælum tamen efferrem. Jam vero quorum tot decora virtutum, & doctrinarum divinitus ad Petrum Georgium delata sunt? Quia nempe si Ecclesia consilium, gravitatem, sapientiam, providentiam Antistitem unquam efflagitavit, hoc tempore, hoc, inquam, tempore efflagitat.

Hic equidem non possum, illa populi Cene-  
tensis quanta fuerint gaudia judicare, cum ipsum  
jam Antistitem ad eam Diœcesim primo acceden-  
tem susceperunt. Videte tamen, quantum inter il-  
lorum gratulationem, & hanc nostram intersit :  
Quam enim gaudii sui causam tum asferre pote-  
rant? Magnam sibi spem in Petro Georgio propo-  
sitam, magnam felicitatem fuisse : eos nequic-  
quam dubitare, quin ex privata & domestica exer-  
citatione cum in frequentissimam celebritatem &  
clarissimam lucem prodiret, titulum etiam & am-  
plitudinem Episcopatus fortissime sustineret. Ita  
quidem illi : at nobis licet ista de ipso certa cum  
gloria prædicare, cum sacrum Pastorem habea-  
mus non in gerenda Diœcesi novum, sed plurium  
annorum spatium spectatum & cognitum, qui non  
modo tueri expectationem sui, quam excitarat,  
sed superare etiam potuisse videmus. Flagrantissi-  
mum in Ecclesiastica disciplina promovenda ardo-  
rem

## ✻ X XIV X ✻

rem illi tum providebant in hoc Antistite futurum: immo vero quid boni non expectabant, cum totum Episcopatum fore nihil aliud certo sperarent, quam perpetuam, fortem, atque invictam pro salute populorum contentionem? Hanc vero in ipso nos intuemur, quam & initio statim ac Ecclesie clavum suscepit, & postea semper usque ad hoc tempus, quo ad hanc Metropolim accessit, non modo prætulit, sed auxit etiam ex animo, & quo se obstrictum esse sentiebat, officio. Quibus enim laboribus sudoribusque pepercit, ut vineam a Christo Domino constam, divinoque sanguine sæcundatam, si forte alibi sterilem, alibi otiosam & incultam, vepribus alibi refertam videret, eam partem ad pristinam decoris gloriam & pulchritudinem revocaret. An cum Diœcesim obiret, partim asperrimis in montibus positam, partim in convallibus confragosis jacentem, quidquam accentam viri cupiditatem retardavit, qua flagrabat, & rapiebatur? Nonne fervidior religionis amor ardentem agebat, & vires & animum ministrabat, ut tanquam agricola diligentissimus totum agrum Cenetensem rore cælestium doctrinarum irrigaret, ut gregem ad saluberrima pascua deduceret? Quo facundissimo viro quis poterat cohortari ad virtutem

ar-

ardentius? Quis a vitiorum cœno gravius revocare? Quis excitare bonos poterat salubrius? Tum profecto fructum cepit maximum illarum artium, quibus in Somascho Collegio olim puer instituebatur, ubi eloquentiæ usus viget, quæ ad usum forensensem, ad rempublicam tractandam usurpetur ex tempore: nam habere ad populum solebat orationem Præsul gravibus sententiis instructam, perinde atque attulisset domo cogitatam multo ante, & diu elaboratam.

Quamquam nullum vestigium clarius reliquit sollicitudinis, qua pro salute ovium suarum afficiebatur, quam monumentum illud, quo ab immoderata luxuriantium ingeniorum libertate fidem nostram defendendam suscepit, ne suæ forte Diœcesi, quam non modo incolumem, sed ornatissimam esse cupiebat, labes quædam hisce præsertim difficillimis temporibus fucata nescio qua pletate improborum fusciperetur. Cum enim videret in ipso Ecclesiæ sinu novæ doctrinæ novam formam in aspectum proferri, & inflammato partium studio acriter decertari, movebatur animo, & maxime pertimescebat, ne integerrimam religionem a majoribus traditam tanta opinionum varietas contaminaret. Quemadmodum enim e montano loco quæ decurrunt

runt flumina, interdum aquarum divortio finduntur: ita e monte sancto, ubi fidel sunt fundamenta posita, partim, ut ita dicam, prope ad Caspium mare, partim ad Jonium sinum, alii vero ad alia littora austro, vel africo vento delati confluebant; cum prompta excellensque virtus Præfulis præstantissimi celeriter divinarum doctrinarum nitidissimos fontes requisivit, & unde integerrimam veritatem hauriri oporteret, frequenti Parochorum conventu adstante, qui in divi Titiani festo ex tota urbe, cunctaque Diœcesi, ut moris est, conveniant, qua constantia, qua gravitate dixit! Neque est ille vir passus, in ea loca, quæ ipse tot ornamentis virtutum decorarat, pestem illam atque labem aliunde inferri, cum omnem Parochorum cœtum cohortaretur, ut neglecta depravatorum calliditate, eam tantummodo nativam ac propriam doctrinam retinerent, quam nobis omnibus tanquam hæreditatem majores nostri reliquerunt.

Hæc sunt cum plena laudis, tum propria Petri Georgii, ea tamen non sunt, quæ tantam famam, quantam de ipso videtis, potissimum excitarint. Aliud nescio quid eximium in ipso & omnino admirandum eminet. Quæretis haud dubie, Auditores, quodnam sit istud ornamentum, quod



quod omnem viri in gerenda Diœcesi industriam & sedulitatem tantopere illustrarit. Videbat sane, quantum humanitas populo cara sit universo: esse hanc unam, quæ veluti aureo quodam vinculo animos hominum sibi devinciret: hanc esse pacis & tranquillitatis fontem: hanc esse, quæ in sensum hominum etiam improborum influeret, profligatorum voluntatem deliniret, & facilius cum privatim, tum publice, quod vellet, consequeretur. Multa alia videbat, sed illud etiam, hanc esse prope ingeneratam familiæ Georgiorum. Etenim hujus frater Hieronymus ille nonne animum hac humanitate perpolitum ad Tarvisinam Præturam attulit, ubi cum in ipso flore juventutis vita decessisset, quam carus civitati fuerit, mœrore funeris declaratum est: reliquit tamen effigiem morum suorum, virtutis, pietatis, ingenii, filium non solum fortissimo viro mortuo Angelo Emo, ad cujus classem barbarorum bello se se contulerat, in qua adhuc navium præfectus versatur, verum etiam hoc ipso Patruo suo, a quo fuit educatus, litterisque instructus, dignissimum. Quid de aliis duobus optimis fratribus loquar, quibus propter populorum felicitatem utinam detur, ut ad maxime diuturnum tempus vitam producant.

B


Qui-

## ❀ X XVIII ❀

Quibus enim significationibus, quibus lacrymis redeuntem ad Venetam urbem Joannem Antonium Civitatenfes nostri profecuti sunt, quem placidum, & tranquillum, amantissimumque Providorem perspexerant! Ecquem vero commemorare possumus, parem affabilitate morum Angelo Mariz unquam fuisse, quem, postquam Cephalem insulam gubernavit, in gravissimum consilium quadraginta virorum cooptarunt, maxime jucundum splendidissimo ordini Patriciorum, quem mirifice diligunt, & prope in deliciis habent? Ut enim anulum ex auro factum gemma exornat, atque ut rosa, quæ verni temporis regina nominatur, omnem florem venustate antecedit; sic illam esse judicabat cæterarum virtutum decus, firmamentum dignitatis. Tribuant alii, per me licet, causis aliis hoc tantum desiderium, quo Cenetensem Præfulem nostra provincia deposcebat: dicam tamen plane, quod sentio: si in eo sublimi dignitatis gradu, in tanta virtutum, & doctrinarum laude, humanitas tanta non fuisset, quantam ipse per se, per se, inquam, obtinet, cætera omnia non fuissent quidem meliora, quæ sunt optima, sed tantam certe quidem jucunditatem civibus non attulissent.

Quæ

Quæ fuit igitur in hoc homine humanitas? Humanitatem dico? nescio, an melius possim dicere suavitatem, qua tota provincia tantopere delectabatur, ut nihil gratum magis, quam sua auctoritas videretur. Aspicite ipsum quæso, vultum contuemini, os illud placidissimum, hilarem frontem, quæ animum, qualis sit, tacite declarat, annon suavissimis moribus constare totus videtur? Recordamini, quid de ipso prædicarent, qui ad eum e nostris Cenetam gratulatum se contulerunt, quem ita ad omnem rationem humanitatis factum cognoverunt, ut melius, etsi fuisset integrum nobis, fingi non potuisse confirmarent. Nam illud pulcherrimum semper existimavit, officio & comitate esse parem cæteris, etsi princeps esset dignitate. Quid? Nonne civibus suis & populo universo, ut omnes ad ipsum, cum res postularet, tanquam ad parentem commodius confugerent; sacris bene mane peractis, & peregre (quanquam ut omnia Pastoris munera obiret, vix aliquando, nisi ob causam justam atque magnam, aberat ab urbe, ne veris quidem, & autumnii tempore, etsi amœnitas eum locorum, oppidorum pulchritudo; hominum liberalitas invitaret) & peregre, inquam, & domi, & quo demum cunque non occupato tem-



pore atque hora & Ingenium, & laborem, & fidem suam promptam expositamque præbebat? Quæ porro tanta res erat & tam difficilis, quam non modo consilio regeret, æquitate decerneret, verum etiam temperaret suavitate?

At enim hæc tanta facilitas dignitatem Episcopatus imminuebat? Quasi vero bene de civibus mereri, laudibus ad cælum extolli, affici amore gloriosum non sit. Cum enim comparatum sit natura, ut quod maxime a nobis amatur, id etiam maximi æstimetur, tum profecto eo quisque majorem sibi auctoritatem existimationemque conciliat, quo majorem benevolentiam excitat sui. Quoties nos audivimus, res gestas celebrari sanctorum Præsulum hominum gravissimorum Francisci Salesii, & Gregorii Barbadici, ut quorum vestigiis noster hic insistit diligenter, eos potissimum honoris causa nominem, an quidquam de ipsorum dignitate idcirco detractum, aut de auctoritate direptum arbitramur, in quibus nullam esse laudem ampliorē scimus, quam eam, quam morum affabilitate consecuti sunt? Audebo hoc contendere, virtutem hanc esse non solum maximam, sed etiam indicem omnium reliquarum, quam sancti Patres in summo atque perfecto Antistite non modo postulant

lant, verum etiam efflagitant, quæ cum eminentem effigiem Christi Salvatoris imitando exprimat, tum singularis in eundem amoris signum docent esse certissimum. Quapropter cum hanc optimam esse cumulatamque virtutem præstantissimus vir exploratum haberet, tum in oratione illa gravissima atque ornatissima, quam antea commemorabam, qua ab improborum insidiis religionem vindicabat, cæterorum etiam ministrorum cœtum ad eam ipsam excolendam excitabat, ut divinæ legis severitatem, saluberrimam illam quidem, at humanis cupiditatibus ingratam atque invisam, mansuetudine morum, & comitate sermonis temperando aspergerent. Nunc jam videmus ejus benignitatem in omnes esse sine ullo discrimine diffusam.

Quinam vero potissimum hoc tam excellenti bono fruebantur? Nisi equidem timerem, ne oratio mea in invidiam vocaretur, nominatim commemorarem hoc loco, in quos mira benignitate, ac divino studio extiterit; quam eosdem benevole, quam amanter, quam liberaliter tractarit. Quæ quidem a me, si ut dicenda sunt, dicerentur, constituerem vobis ante oculos imprimis variam litterarum fortunam modo afflictam & depressam, erectam modo & vigentem. Animos ve-

stros ad memoriam temporum præteritorum revocarem, quibus eo magis litteræ floruerunt, quo magis easdem principes viri auctoritate sua, præsidioque tuebantur: his autem opibus sublati miserrime contabuerunt. Hoc tamen brevissime dicam, cum noster hic sæpenumero Seminarium suum adiret, quem locum ministerii sui partem non ultimam judicabat, cum adolescentum Clericorum exercitationes sua præsentia iudicioque honestaret, cum animum illis adderet, cum eosdem præmiis afficeret, fervidiorem quidem apparuisse disciplinarum amorem. Nam hæc fuerunt validissimæ illæ causæ, quæ animos adolescentum sollicitabant, cum audiente Antistite disputando dimicarent: hi fuerunt illi igniculi, quibus exultabant gaudio partæ victoriæ: hæc illæ ardentissimæ facies, quibus incensû dolebant, si quando victi fuissent industria cæterorum. Quid tamen humanitas tua, Præsul Amplissime, tum agebat? Quonam tuam mentem conserebas? Qui sensus erat consiliorum tuorum? Quid spectabas, cum locum illum in animo, in sermone, in deliciis haberes? Quid aliud, nisi totius Diœcesis statum, quo in loco ille flos juventutis institui oportebat, qui summi viri & clarissimi essent aliquando futuri, qui in Ecclesiæ gradu aliquo collocar-

locari deberent, e quibus plebs cætera omnium suorum factorum exempla defumeret, qui denique litterarum gloriam ad proximum sæculum, immo ad omnem posteritatem essent propagaturi. Sed hæc respectantes, atque intuentes memoriæ potius, quam vocis testimonio conservemus. Videte eam benignitatem Petri Georgii, qua eos prosequebatur, & fovebat, qui rerum inopia premebantur. Nam si verum & proprium nomen humanitatis quæzatur, eam habet vim, ut non modo alios benigne complectatur, sed etiam vel maxime, ut opem ferat.

Sint itaque æterna in laude, quæ in medium proferebam, sint præclarissima, ut sunt; hæc, quæ dicam, incredibilem omnino pietatem declarant celeberrimi viri, cujus paucos pares hæc ætas tulit. Fateor equidem beneficium, & liberalem hominem dici non multum fortasse habere laudis, præsertim in Episcopo, cum ipsa dignitatis natura & conditio postulet, ut redundantem facultatem vel ad cultum rerum divinarum convertat, vel egenis impertiat. At vero si quis ad infimorum & tenuissimorum hominum egestatem levandam sibi sua commoda detrahic, si tantam pecuniarum vim profundat, ut ipse egere videatur, quæ libe-

## ❖ )( XXIV )( ❖

liberalitas major? quæ excelsior animi magnitudo? quæ benignitas ex omni memoria illustrior? In quo profecto gravissimi, atque omni laude dignissimi Præfulis Joannis Hieronymi Gradonici, cujus semper in hac Diœcesi grata vigebit recordatio, hunc nostrum extitisse æmulum, atque imitatorem video. Atque ut duorum Archiepiscoporum similitudinem in rerum humanarum contemptu, effusaque largitate videatis; an Joannem Hieronymum mensa conquistissimis cibus instructa & parata, an conchyliata peristromata, an cælatum argentum, an pretiosa vestis, an servorum multitudo prolectabat? Vosmetipsi recordamini, quanta cunctis in rebus mediocritate & temperantia uteretur. Ita sane: hoc par moderatissimorum Antistitum in sua quisque Diœcesi se gesserunt, nullam ut unquam divitiarum cogitationem susceperint ad pompam, ad delicias, ad amœnitatem, verum uterque immemor sui, memor gregis, opes, quibus præditi erant, ad beneficentiam duntaxat, & liberalitatem contulerunt. Hic etiam, etsi tam munifice rem suam donaret, illo præsertim octo mensium spatio, cum uno genere morbi civitas affligeretur, tamen animo se angere dicebat, perinde quasi parum esset dilargitus. Venit jam mihi in  
men-



mentem, quo animo erat in tanta civium calamitate. Etenim cum nihil sibi, nisi de salute suorum cogitandum putaret, non solum opes fudit, sed quoniam tempore tam luctuoso, quocumque vocabatur, libentissime adibat, ut infirmos consolaretur; propter influentium morborum vim obtulit etiam in discrimen vitam suam. O charitatem vere patriam, admirandam illam quidem, sed nulla unquam satis digna oratione exornandam!

Intellectum est sane ex tuis litteris, Præfule Amplissime, quarum exemplar legi, te non mediocriter fuisse perculsum, cum cogitares, quantum tibi oneris novæ dignitatis accessione imponeretur: te ipsum tamen animi tui conscientia sustentari, quod non precibus eam ipsam postularas, non ardenti studio potentium virorum a sapientissimo Senatu contenderas. Illud etiam adjungebas, te in hoc altissimo gradu collocatum, non tam virtutis tuæ causa, quam quod te cives nostri desiderarent. Esto concedatur: spectarit Senatus voluntatem incredibiliter consentientem omnium nostrum. Quid porro plausus illi, atque adeo testimonia omnium civium, parum ne, quæ tua sit virtus, declarant? Cum enim ad probitatem egregiam, & præstantem doctrinam affabilis humanitas accedit;

tum

❀ ( XXVI ) ❀

tum nescio quid singulare, ac plane divinum solet  
existere, quod non modo locum voci obtrektorum  
non relinquit, sed linguis omnium mirum in mo-  
dum celebratur.

En igitur, Auditores, ille vir, quem nobis  
custodem superi dederunt, ut tantæ virtutis nos  
potissimum uberes fructus, diuturnosque percipere-  
mus: magno quidem cum dolore Cenetensium suo-  
rum: id fateor. Poterant ne ipsi non graviter  
animo commoveri, cum amantissimum patriæ pa-  
rentem e sinu gremioque patriæ divelli viderent,  
quibus nullum ab ipso amoris, nullum pietatis of-  
ficium unquam defuit? Quanquam dum mihi illo-  
rum querimoniz occurrunt, e quibus intelligi de-  
bet, decessionem hanc illis fuisse acerbissimam; ta-  
men ne hujus diei celebritatem aliena lamentatio-  
ne obruamus, est profecto in eadem jactura, unde  
aliqua ex parte & ipsi recreentur; est, cur debeant  
non mediocriter lætari, præsertim cum non eam  
dignitatem sit adeptus, quæ nihil omnino ad eos-  
dem pertineat, a quibus discessit. Videbatur sane  
distrahi ab eorum complexu: verumtamen faciant  
hoc loco, ut recordentur, hunc quidem nostrum  
esse Pastorem, at ipsorum etiam Metropolitanum.  
Non itaque Antistitem omnino amiserunt, sed al-  
tiori

tiori gradu dignitatis decoratum conspiciunt. Tot enim immortalium meritorum splendor majus theatrum, in quo luceret, efflagitabat: par erat, ut sua laus in conspectu amplissimi Metropolitanæ Capituli versaretur, in ea Diœcesi, quæ cum ab eadem ipsa sit profecta, qua nulla clarior post Sedem Romanam jamdudum erat in universa Europa, tum maximam pristinæ gloriæ partem retinet. Hanc nostra ætate fundatam recordamur, quæ cum statim a principio sui magnorum virorum copia redundarit, & hoc etiam tempore egregiis pietate, & doctrina viris exornetur: nonne Præsulem etiam talem esse decebat, ut cum antiquis Patribus posset conferri, qui flore Aequilensi Diœcesi imprimis floruerunt?

Quapropter adeste quæso, & audite; cives, quæ de Petro Antonio Georgio ominaturus sum, & vocem hanc indicem vestræ felicitatis animis, ac memoria tenetote: in spem firmissimam adductus testificor, & spondeo fore, ut hoc summo viro duce aurea veterum Patrum majorumque nostrorum tempora revirescant. Etenim Pastorem religionis inflammato studio clarissimum, singulari ingenio omnique doctrinarum varietate instructum, qui splendidissimum Metropolitanæ Capitulo ornamen-

✻ X XXVIII X ✻

mentum, felicitatem urbi, optimarum artium disciplinis præsidium firmissimum afferret, mitem, magnanimum, beneficum, liberalem nos omnes in commune bonum consentientes videre in altissimo hoc gradu positum cupiebamus, videmus.



# NOTE.

**B**ernardo Zorzi, che fiorì nel 1500. espone l'antica origine della sua Famiglia in questi versi:

Protulit Auctores olim Germania nostros,

Ticino illustri proposultque Duces.

Egressi ast illinc, liidem cum bella vigerent

Attilæ, ad stagna hæc se retulere sua.

Unde hanc cum sociis urbem extruxere potentem,

Quæ splendor vere est totius Italiæ.

Questa famiglia nobilissima fu sempre riguardata con occhio di predilezione dal Pubblico; e fu anche presso il popolo in benedizione, perchè tra tutte le virtù ereditarie fu sempre il suo genio predominante la generosità, l'affabilità, la dolcezza.

Fantino Zorzi nel 1381. fu spedito a domar quei di Tenedo. Così il Sabellico: „ earum navium Imperium Fantino Georgio est datum .... recepta arce Fantiaus, reliquis ex insula dimissis, ipse cum sagittariis ducentis remansit. „

Papone Zorzi fece l'acquisto dell'Isola di Curzoia con la scorta del solo suo coraggio, e con le spese della propria Casa; nei quali possesso, lasciategli proprietario con titolo di Conte dalla pubblica munificenza, ebbe per successor quel Pietro, che nel 1550. essendo General delle forze della Serenissima Repubblica rese tributaria l'Isola di Rodi dominata da Simeone Gaulo; indi portossi a rimettere nella ubbidienza il proprio stato di Curzoia, e avendo nell'arder del combattimento perduta l'insegna, espone alle milizie un lino tinto nel proprio sangue, che poi vincitor rimanendo volle lasciarlo a' posteri per arma della famiglia. Questa Casa ne' tempi susseguenti in vece di quell'antico diritto ricevette dal Senato la Contea di Mei tra Beluno e Feitres.

Fu eletto Doge nel principio del secolo XIV. Marino Zorzi cognominato il Santo. Monumenti della pleià di lui sono il Convento e la Chiesa di S. Domenico di Castello, che egli ha fondati.

Francesco Zorzi Minor Osservante compose: *Harmonia Mundi. Emblemata S. Scriptura*. Vedi degli Agostini Vite degl' Illustri Veneti.

Marco Zorzi Servita vien riportato dal Zeno tra gli Eccellenti Scrittori Patrizj.



Bartolommeo Zorzi fu riputatissimo Poeta Provenzale anteriore al Petrarca.

Marin Zorzi fu dottissimo Filosofo, e Orator celeberrimo. Esiste il suo sepolcro con una lunga iscrizione nella Chiesa di Santo Stefano di Venezia.

Benedetto Zorzi fu Bibliotecario della pubblica libreria di Venezia nel 1700. e Mecenate de' letterati.

Girolamo Zorzi fratello di S. E. Rma avrebbe formate le delizie della sua Patria, e portata la felicità alle popolazioni, alle quali fosse toccata la ventura di averlo a Rettore, se non fosse stato prevenuto dalla morte nell'attual suo gloriosissimo reggimento di Treviso.

Pier Antonio Zorzi figlio del sopraccennato Girolamo fu ammaestrato nelle lettere dall'amantissimo suo Zio nostro Prelato, e nell'armi dal N. H. Angelo Emo. Ha composto con eleganza e robustezza di stile un poemetto sopra la tempesta, da cui fu colto, mentre inseguiva il nemico.

Giannantonio Zorzi fratello di S. E. Rma, Personaggio d'un carattere il più dolce, ed il più umano, resse con universale applauso Civile del Friuli in qualità di Provveditore. Nella sua partenza a significazione degl' interni sentimenti di gratitudine più che le pubbliche dimostrazioni han parlato le lagrime di tutta quella popolazione. Nel qual governo ad obbligar la gente di qualunque condizione ha conseguito molto l'edificante pietà, e le nobili maniere dell' Eccelsa N. D. Caterina Corner dignissima di lui consorte.

Angelo Maria Zorzi parlamente fratello di S. E. Rma, Giudice riputatissimo nei Consigli Eccelsi del 40. ultimamente ritornato dalla reggenza di Cefalonia, di nuovo fu risposto nel veneratissimo Corpo del 40. Gode questi stima, ed affetto particolare appresso i più cospicui soggetti della Repubblica.

Opere stampate di S. E. Rma. 1. Un' Orazione panegirica di San Bernardo. 2. Atti della B. Angela Merizi descritti in cento Sonetti. 3. Lettera Pastorale alla Diocesi di Ceneda. 4. Lettera Pastorale sopra la Sacra Visita. 5. Istruzione Pastorale sopra la diminuzione di alcune feste di Ecclesiastico precetto accordata dal Regnante Sommo Pontefice. 6. Lettera Pastorale sopra gl' importanti doveri degl' Ecclesiastici. 7. Homilia de Verbi Dei predicatione. 8. Lettera Pastorale alle RR. MM. del Corpus Domini di Conegliano nell'atto di presentar loro la Regola di S. Agostino, e le Co-